

Guangjisi Minzcu Bau

ganbbau: CN45-0036 B.2016 Nd.6 Ng.22 liggaueq bingjsaen nienz ndwenngux cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3229期

Guekgya Minzveij Fucujiyin Lij Canghbingz Daengz Dwz- bauj Yen Haiguh Hong Dinghdiemj Bangrex Diuyenz

国家民委副主任李昌平到德保县开展定点扶贫工作调研

6 nyied 15 hauh, Daih Cibbet Gaiq Cunghyangh Houbuj Veijyenz, Guekgya Minzveij fucujiyin Lij Canghbingz daiq doih daengz Dwzbauj Yen haiguh hong dinghdiemj bangrex diuyenz.

6 nyied 15 hauh banringzgvaq, diuyenzcu j bae daengz gizdieg Guekgya Minzveij bangcoengh hwnj-guh, Cwngzgvanh Cin Yinzdih Cunh Mbanjnazdunz aen mbanj sausu minzcuz miz daegsaek haenx, cam hanghmoeg hwnjguh cingzgvang. Gvaqlaeng youh daengz Duh'anh Yangh Lingzleiz Cunh Mbanjlingzleiz yawj nai ranzungzhoh, cam vunzlai

swngchcanj saedceij caeuq gyaranz ginghei souhaeuj cingzgvang nem gij hojnanz saedsaeh aeu yungh gaep baihgwnz bang gajgez haenx, gujli gyoengqde laeb gagsaenq vut gungz baenzfouq, lij soengq cienz caeuq doxgaiq hawj gyoengqde, hawj gyoengqde roxnyinh daengz gij raeuj caeuq gvansim dangj. Lij Canghbingz lij caeuq gihcwngz ganbu vunzlai, youqmbanj daih'it suhgi naenghdamz, roxyiuj gij cingzgvang hong cingcinj bangrex, caeuq caezgya doxyaeng banhfap vut gungz.

16 hauh banhaet, youq Dwzbauj Yen hai aen hoih bauqlwnh hong vut

gungz gunghoj Guekgya Minzveij dinghdiemj bangcoengh Dwzbauj Yen, Lij Canghbingz dingq le gij bauqlwnh Dwzbauj Yen "cibngeih haj" hong bangrex cingzgvang nem gij hojnanz caeuq vwndiz "cibsam haj" aeu yungh Guekgya Minzveij bangcoh boiqhab gajgez haenx. Lij Canghbingz nyinhnaeuz Dwzbauj Yen hong haifat bangrex netsaed doicaenh, banhfap hableix, aeundaeg gij cwngzgoj gig ndei. Guekgya Minzveij yaek laebdaeb gaem ndei hong dinghdiemj bangrex, maq-muengh aen yienh neix dangjveij cwngfuj laebdaeb haeujoengh caeuq boiqhab. (Nungz Yungjfang/农永放)

SIUSIK DINJ

简讯

● Bineix doxdaeuj, Yungz-suij Myauzcuz Swciyen aeu bangrix gunghoj guh cungdenj, cimdoi q 101 boux dangjucjiz daih'it suhgi 2015 nienz、2016 nienz senjbaij daengz daengx yienh 101 aen mbanjungz-hoj haenx, doengvaq beizyin giengzvaq hong dangigen、gejdoeg cwngcwz、hwnjguh lajmbanj daengj fuengmienh, mboujduenh daezsang gyoeb-hab suciz "daih'it suhgi", mizyauq bangcoh cingcinj bangrex.

(Lungz Linzci)

● Bineix seizcin daj-ndaem doxdaeuj, Fuconh Yauzcuz Swciyen gunghsangh bumwnz iucingj mizgven laux-hangz daeuj bang boux-hengzfap gunghsangh bumwnz ok banhfap yawjrox caen'gyaj nungzsw, ndaej bang boux-guhnaz cawx nungzsw gemj-noix sonjsaet.

(Cinz Yengiz Bwz Lingz)

● Mboengqneix, Libuj Yen cujiz dangjyenz ganbu daengz dieglauz gwzming、mbanjynghyungz hoenx Yiz-bwnj dauqhag vahmieng haeuj dangj, dingq duiyouh dangjyenz geq gangj goj gwzming, doeng-gvaq ngonzyawj ranz liedbaij hoenx Yizbwnj, dauqcungz hagsib dangjcangh dangjveih caeuq hag Siz cungsuhi baenzdauq gangjvah, geiq-maenh dangjyenz yivu caeuq gienzleih, guh habgek dangjyenz.

(Couh Cinyenj)

● 6 nyied 13 hauh, gicej daj Swcigih Ciuseng Gaujsiyen roxyiuj daengz, bineix gih raeuz dajsuenq yiengq Sanglinz Yen daengj 20 aen yienh(si、gih) ciusou 172 boux gauhcungh bizyezswng, hawj gyoengqde daeuj hag 3 bi conhgoh ciennieb lauxsae Cuengh Gun song vah saw dinghyiengq gungganq shwfanswngh mbouj aeu cienz, youz Gvangsiah Swfhfan Yozyen fucwz gungganq yinvu. Dinghyiengq song vah saw shwfanswngh youq hag-dangz geizgan mbouj aeu cienzsaw, mbouj aeu cienz-dozyouq.

(Cau Ginhlingz)

Libuj: Minzsuz Hozdung Yinx Bouxhek



荔浦: 民俗 活动引客来

6 nyied 18 hauh, Libuj Yen Majlingz Cin Mbanjsiuj-cinghsanh banh gaiq daihngieh ciet vunz-mbanj Bouxcuengh, doenggvaq angq-yangz ram faengx youz mbanj, doxdax suek faengx、doi q fwen daengj minzsuz hozdung lai cungj lai yiengh, yinx ndaej haujlai hek-youz daeuj yawj-ngonz daejniemh. Ndaw doz dwg vunzmbanj cingq ram faengx youz mbanj.

(Couh Cinyenj/
周俊远 Cinz Cin-
binh/陈振斌)

Cungzcoj: Dem Laeb Aen Lanzmoeg Vahcuengh 《Gojgaeq Cungzcoj》

崇左: 增设壮语社教栏目《崇左故事》

5 nyied 27 hauh hainduj, Cungz-coj Dendaiz youq cunghhoz gvangjbo binzliz(FM97.2) gyalai laeb aen lanzmoeg Vahcuengh 《Gojgaeq Cungzcoj》 he. Aen lanzmoeg neix cujyau humxheux Cungzcoj bonjdieg lizsij vwnzva、hawsingz hwnjguh caeuq hwnghat guh vatcimh, fanjwnq

Cungzcoj yinzvwnz lizsij、fungsug bonjdieg、hawsingz hwnghat bienqvaq hungloet daengj, yungh Vahcuengh bonjdieg doengsug ngaih rox haenx, hawj vunzlai engqgya haeujlaeg roxyiuj Cungzcoj. Seizneix, aen lanzmoeg neix moix aen singhgiz haj banhaet 11:30(boq baez daeuz),

baihlaeng aen singhgiz it banringzgvaq 17:30(dauqboq), moix geiz 15 faen cung. Boqcuengq aen lanzmoeg neix hawj vwnzva saedceij dangdieg dieggayae diegbya gak cuz vunzlai engqgya fungfouq.

(Cungzcoj Si Minzyijveij)